

میر جعفر پاشا شہروری (جو اوزار دہ ظلمانی)

سچیلہ از لاری

WWW.AZODKITAB.NET

فرقه‌میزین تاریخی ایشی

فرقه‌میزی وجوده کتیرمکه پیشقدم اولان مؤسسلر عیبتی کئچن پنجهشنبه گونی موقتی تشکیلات کومیتته‌سی انتخاب ایتدیکن سونرا ایکی رسمی گونه قدر رسمی کنگره تشکیلینی او کومیتته‌یه تاپشیردی. بوتازده بیر فرقه‌اچون بویوک و آغیر بیروظیفه‌دیر. اونوارزو اولونان شکیلده انجام ویرمک ایچون بوتون فرقه‌عضولری یورولماق بیلمه‌دن چالیشمالی‌دیر.

بوگونه قدرده تبریزده و اطراف شهرلرده اون‌میزدن زیاده مختلف طبقه‌لردن فرقه‌میزین عضولیکینی قبول ایدنلر اولموشدور. بونا اللی‌میندن زیاده بیزه ملحق اولماق ایسته‌یین حزب‌توده‌ایران عضولرینی علاوه ایتدیکنه گنیش و بویوک بیر جمعیتین اطرافیمیزا توپلان‌دیغینی گوره‌چکسین، بوجمه‌عیتی تشکیل ایدیب اونلاری انتظام آلتینا آلماق و آرالاریندان کنگره‌یه نماینده‌لر انتخاب ایتمک بشی-اوج نفرین الیندن کلن ایشلردن دکیلیدیر. بواشده دینی‌گیمیز کیمی هامی چالیشمالی‌دیر.

کنگره‌نین تمامیلده دموکرات عنصرلردن و عموم طبقات نماینده‌لریندن تشکیل اولونماسینی نظرده توتوب سابق حزب‌توده عضولریندن فداکارلیق گوزله‌ییریک، بونلار هریرده چالیشب مستقیماً دموکرات فرقه‌سینه یازیلان عضولردن (ممکن اولدو- غوقدر) انتخاب ایدیب کنگره‌یه گونده‌رمه‌لیدیرلر.

محللرده فرقه‌لر بیرلشدیکی حالدا بونونظرده دوتمالی‌دیر. حزب‌توده‌یه و اونون فداکار عضولرینه بیزچوخ احترام ایدیریک. لیکن اونلار دموکرات فرقه‌سینین مرام و شعارلارینی نظرده توتوب تازه و عموم طبقاتاً منسوب اولان عضولره فعالیت میدانی ویرمک ایچون گذشته گیتملی بعضی یرلرده اونلارین سایلارینین آزلیعینی نظرده توتما‌ییب بیرینجی نوبه‌ده اونلاردان انتخاب ایتمه‌لیدیرلر...

حزب‌توده ایران عملده طبقاتی بیرحزب اولموشدی اونون سیرالارینا فعله، کندلی و بعضی آشغی طبقه‌یه منسوب اولان روشن فکرلردن باشقا طبقه‌لره یول ویریلمزدی. اونون وظیفه و شعارلاریده فقط بو طبقه‌لرین مقاصدی اوستونده تعین ایدیلیردی. اونا گوره حزب‌توده‌عضولری چوخ‌سول تانینمیش و سول شعارلار ایشلمکه عادت ایتمیشلر.

دموکرات فرقه‌سینه ملحق اولماق ایسته‌یین شخصلر گره‌ک ئوز دانیشیق‌لارینی و شعارلارینی تعدیل ایدیب بیزیم تعقیب ایتدیگیمیز شعارلاری قبول ائله‌سینلر. اگر بیزیم ایلهملی آزادلیق یولوندا چالیشماغا حاضر اولموشلار سا حتی ئوزلرینین

رفتار، کردار و گفتارلارینی دا بیزیم رفتار، کردار و گفتارلاریمیزا تطبیق ایدیب
 اویفونلاشدیریب تمام معناسیله بیردموکرات اولمالیدیرلرلر...
 بیزعضولریمیزدن ایش طلب ایدیریک، بوش سوزلر و خلقی متنفر ایدن (دماقولار)
 عوامقربلره یاراشان آجی تهمتلرین بیزیم بازاردا رواجی بوخدور.
 بیزملی آزادلیقی تائین ایتمک ایچون هرکسدن فداکارلیق طلب ایدیریک مالک،
 رعیت، ارباب، کارگر هاسی آذربایجانین ترقی و سعادت یولوندا بو فداکارلیقی گوستر-
 مه لیدیر.

بیز آزادا چیخان اختلافلاری سازش یولی ایلدحل ایتمگی جدی و لازملی بیر موضوع
 بیلیریک. مبارزه لارم دیر. لیکن اولملی آزادلیق و وطنین ترقیسی یولوندا آپاریلمالیدیر.
 کیم آزادلیق و ترقییه مخالفت ایده رسه، اولتمیزین خدار دشمنی دیر، اونونلا
 امانسز بیر صورتده مبارزه ایتمه لیک.
 کیم امنیتتی اخلال ایدیب خلق آراسینا نفاق سالیسا هر طبقه دن اولور اولسون
 اول خلق آراسیندان اخراج اولونوب اجتماعی حقوقدان محروم ایدیلمه لیدیر.
 کنگره میزده شرکت ایتمک ایستدینلر و اونا نماینده انتخاب ایتمگه گیده نلر
 بو خط حرکتی نظرده توتماغا مجبور دیرلر.

پ.

«آذربایجان» غزه تی، ۲۷ شهریور ۱۳۲۴ ه.ش.، نمره ۶.